



MARYMA

Ramhlun North YMA Chanchinbu

“YMA thuvawn: YMA chu tanpui ngaite tanpuitu”



YMA thiltum: 1. Hunawl hman that. 2. Zofate hmasawna ngaihtuah. 3. Kristian nun dan tha ngaihsan

Vol. 44

Issue No. 12

Ramhlun North: Ni 21 March, 2026

BRANCH THU THAR

Member zawn leh chhiatni fund khawn mek zel a ni a, tun thla chhunga zawh hman tura tih a nih angin Branch leh Section hrutaituten an buaipui a, vengchhung mipuite pawhin lo ngai pawimawh turin kan in ngen thar leh a ni.

SUB-COMMITTEE THU

Ramhlun North Branch YMA, Kumpulan Sub-Committee chuan tunlai School naupang exam chawlh lai a ni tih leh suahsualna hrang hrang a pun mek zel avangin, kan veng chhunga tleirawl, rawlthar leh naupangte hma hun thlirin ngenna leh hriattirna pawimawh tak a siam a. Tul bik thil ni lova zan lama naupang leh tleirawl, nu leh pa emaw chhungte tel lova khawlai leh hmun lunlaia thutkhawm mai mai hi tha a tih loh avangin, tulna nei lova zan lama pawn chhuak lo turin min ngen a ni.

He hmalakna hi a hlawhtlin theih nan nu leh pa te pawhin mahni tu leh fate pawn chhuak lo tura hma la theuh turin kan inngen nawn leh a. Khawtlang himna leh he thuchhuah bawhzui nan hian YMA te pawh a tul angin duty-in an chhuak thin dawn a ni.

SECTION THU THAR

Taitesena Section: Ni 18.3.2026 zana committee thutkhawm neih a ni.

24.3.2026(Thawhlethni) zana thlanlah hnatlang an nei dawn a, member zawn zawnge leh remchang a piang hnatlangah hian thawk chhuak turin an inngen a ni. Dar 6:30pm-ah Zangena Petrol Pump atanga chhuah tur a ni dawn a, lirthei neiin tlawmngaia thawh chhuahpui turin an inngen a ni.

Saizahawla Section: Committee member atan C. Lalrinmawia leh Lalbiakzuala te chu ruat thar an ni.

Library duty turte:

1. D Lianmanga, S-Sec.
2. Lawmsangpuii, S-Sec.
3. Timothy Lalbiakrema, S-Sec.
4. Josephine Lalthazuali, S-Sec.
5. Lalrokimi, S-Sec.
6. Lalremruati, K-Sec.

BRANCH EXECUTIVE COMMITTEE VAWI 3-NA

(March ni 28 ah Vengchhung thenfai hnatlang neih a ni dawn)

Ramhlun North, the 21st March, 2026: Ni 17.03.2026 (Thawhlethni) zan dar 8:45 khan Ramhlun North Branch YMA Executive Committee Meeting vawi 3-na neih a ni a, thu rel tlangpui hetiang a ni:

1. Kumin chhungin Thisen pek neih ngei nise, thisen pek hunah hetiang hian section te inkawp a pek nise tih a ni-

- i) Vanapa leh Neuva Section
- ii) Taitesena leh Khuangchera Section
- iii) Chawngbawla leh Saizahawla Section

2. March ni 28 Inrinni zing dar 7 atangin veng chhung thenfai hnatlang neih tura ruahman a ni a, Section tin ten mahni huam chhung theuh hnatlang a tihfai nise. Hnatlang a chhuak khawm te lo buaipui tur leh hnathawh dan te lo buaipui turin in Section tin OB ten mawhphurhna lo la se. Tin, hnatlang ah hian YMA member-te bakah veng chhung naupang te pawh hnatlanga tel tura sawm nise tih a ni. Hnatlang chhuah khawmna tur chu hetiang hian ruahman a ni-

i) Khuangchera leh Saizahawla: Chawngbawla Run kawtah. (Anni hian Thlanmual hlui an tifainghal ang).

ii) Taitesena Section: Pu Lalthanliana te in kawt

iii) Vanapa section: Industry pengah

iv) Neuva leh Chawngbawla Section : RSC field

He hnatlanga thawk chhuakte chhet velna te thla lo la a lo dah tha turin Media & Documentation sub-committee-te ruat an ni.

3. CYMA atanga CCC 8/4/2026, CYMA Hall a neih tura Reception, Ushering leh Refreshment lo buaipui tura min ngenna chu tihhlawhtlin nise, heta tana tul ang te lo bawhzui a lo buaipui turin Branch OB te kutah dah a ni.

4. Zone IV Anti Drug Squad te tanpuina atan ₹ 10,000/- Branch hminga pek remtih a ni a. Tin, YMA motor leh kan hmun hma te, duty nan leh a tul anga hman phalsak an ni.

5. Music Sub committee te enkawl music leh sound system hi branch programme a nih loh chuan lak chhuah /hawh chhuah phal ni lo se tih a ni.

CENTRAL YMA CRICKET TOURNAMENT

Central YMA leh Cricket Association of Mizoram tangkawp in a Inter Branch YMA Cricket Tournament March ni 24, 2026 atanga khelth tan tur vuak hawna leh Fixture tlangzarh chu March ni 20, 2026 (Zirtawpni) zan dar 8:00-ah Central YMA Hall-ah neih a ni. Hetah hian kan Branch aiawhin Pu John Lalrindika Ralte leh Pu Lalruatsanga te an tel. He tournament-ah hian team 52 an in ziak lut a ni. Kan Branch pawhin theihtawpin inpuahchahna an kalpui a, tournament hmachhawn tur hian player-te pawh an phur tawh hle a ni. Inelna a san dawn avangin hlawhtlinna an neih ngei nan veng mipuite pawhin kan theih ang anga khelmual thlenga kan player-te tawiam turin hrutaitute chuan min ngen a ni. Kan Branch hian ni 30.3.2026 (Thawhtanni) dar 1:00 PM ah 3rd MAP Ground, Mualpui ah Tlangnuam Branch YMA leh Chhinga Veng Branch YMA a chak zawk zawk an tum ang.

Kan Branch aiawh players turte:

Manager - Pu Laldingliana Sailo, Branch President

1. John Lalrindika Ralte - Coach cum Player, V-Sec.

2. Lalnunluanga - Captain, V-Sec.

3. Lalruatsanga - Vice Captain, C-Sec.

4. C. Lalremruatfela, C-Sec.

6. Lalmuanpuia Zote, T-Sec.

8. Emanuel L. Sailo, V-Sec.

10. Vanlalremruatpuia, N-Sec.

12. Benjamin Zosangpuia, C-Sec.

14. Manase Malsawmzuala, C-Sec.

16. Lalrampeka, K-Sec.

5. A. Hmingthanzuala, K-Sec.

7. Malsawmzela, K-Sec.

9. Lalrinfela, V-Sec.

11. Francis Lalrammawia, C-Sec.

13. Zomuanpuia, S-Sec.

15. Freddy Lalruatpuia, C-Sec.

17. Reuben Lalremruatsanga, C-Sec.



I Fate Khawiah Nge An Awm?

Tunlai kan khawtlang boruakah sualna leh thil thalo hrang hrang a pun mek rual hian, he zawhna, "I fate khawiah nge an awm?" tih hi chhungkaw tina nu leh pa leh chhungte kan inzawh nawn fo a hun ta hle. A bikin zan lamah hian tul bik leh chhan mumal awm lova kan tleirawl leh naupang zawkte khawlai a tei kual leh hmun lunlaia chhungte tel lova an thutkhawm mai mai hian rah tha a chhuah khat khawp mai.

Khawvel a changkang a, zalenna kan uar ta viau a, mah se chu zalenna chu inthununna nen a kal kawp loh chuan, kan fate nunah hmasawna aiin kawng thalo zawhna a lian zawk fo thin. Khawlai leh hmun lunlai hmun hrang hranga thianta nena thutkhawm hian thil tha aiin thil tha lo lam a hring chhuak fo.

Hetiang thil a lo thlen hian nu leh pa leh chhungte mawhphurhna a rawn lang Chiang hle. Fate chhuah vahna leh an kalna hmun hriatpui hi in control-na emaw, fate khuahkhirhna emaw ni lovin, an himna tur leh an nun kan venhimna zawk a ni. Naupang leh tleirawl, rilru la puitling lo tan phei chuan zan lam khawlai nun hi chu an hma hun tichhetu a ni thei a. Chuvangin, chhungkaw tin hian mahni fate enkawl na kawngah hian mahni inchung khura inkaihruaina fel tak kan neih a tul ta hle.

Kan hma hun tur leh kan ram hmalam hun hi wawiina kan tleirawl leh naupang zawk te nunah hian a inngat a, chuvangin, an nun uluk tura kan venhim tlat hi kan zavaia mawhphurhna a ni. Zan chhuah hi changkanna ni lovin mahni hma hun atana chhian hmanrua a nih zawk zia kan hriat nawn a tha hle.

Zalenna dik leh inthununna hi inkawp tlat se, nu leh pa leh chhungten "I fate khawiah nge an awm?" tih zawhna kan inzawh fo hian, kan hma hun tur kan vawng him a ni tih kan hriat thar a pawimawh a, khawtlang nun hrisel leh him kan neihna tur hian mimal leh chhungkaw tin hian mawh kan phur a ni tih i hre thar ang u.



KHAWTHLIR

HRUAİKÂWN DIL

Hruaikawn Dil hi Mualkawi ram Tuichhin tlâng (tuna Hringlang tlâng ti-a an vuah tak) a mitthi te'n an rah buk thin; 'Lungrahbuk' an tih mai awmna kawrte hnar chhak lama awm a ni a. Hruaikawn an tih atângin hnai tê a ni. He dil hi kawrte ruam rai zawl-a awm a ni a. Khawchhak lam leh khawthlang zawnga li tengsawl a ni.

He dil tui makna tak mai chu tuihna kang chat thin, fûr ruahtui tlâk lai deuh chauhva amaha lo tling mai thin, dila chhâl ve si a ni a. Fûr ruahtui a tlâk hnu June thla vêl atângin tui hi a tling tan a, favang ruahtui kang hnuah a kang ve leh mai thin. Ruahtui tlêm leh tamah he dil tui tam leh tlêm hi a inngat ber a ni.

Tui tlin tan dan mit ngeia hmutu chuan, thawm ri burh burh a lo awm a, chutianga a awm hnu rei lo têah chuan a ruam chhông lei hnuai atâng chuan tui rawn îrh chhuakin hun rei lo te chhôngin tui dil a rawn insiam ta thin a, rei lo têah a li ta pûng mai thin niin an sawi.

A tui tlin dan hi tûn hmaa a tlin tan dan nen chuan a danglam deuh tawhin an sawi a. Fûr laia ruahtui leh tuihawk luang khawm bâkah tuitai tling khawm mai a ni ber. Tui hi a tam lai chuan a dung feet 200 leh a vang feet 100 laia zâu pawh a ni a. A thûk lam pawh feet 18 lai a tling bawh.

Hruaikawn dila tui lo tlin tan dan hmutu Pu Zakunga chuan hetianga hian a sawi a, "Mizoram ram buai avanga kum 1968-a sipaiin khaw hrang hrangte min khawm tum khân keini Kelkang khuate pawh Ruantlângah min khawm ve a. Khaw khawmho Ruantlanga awmte chuan kum 1970 khân Mualkawi Lal Vanhnuai khuma ram, Tuichhin ram chu thlawh hma-ah kan nei a, he lai hmuna tui lo tlin tan dan chu Chiang takin kan hmu a.

"Fûr ruahtui tlâk tawh hnu, July thla laihawl vêlah hian kan unauvin lovah kan riak a, a ruam hmar lamah chuan thlâm kan sa a, kan lo mawng ruam (dil awmna lai) chhônga vaimim chu kan unauvin zing kârah kan kêk a, kan vaimim kehte chu a kawrte suih zawmin a zârna kan siamah chuan kan bang a, a thente chu a thehlânah kan dah khawm bawh a, chutianga chuan kan buai ve hle a. Hemi tûk hi chuan khua a thiangan zing ni chhuak pawh a lang tha hle mai a, "Vawin chu khua a tha dawn a ni ang, ni chhuak a lang tha em mai," kan ti a.

"Zing dar 7:00 vêl a lo nih chuan, kan thlâm thlang ruam zawl, khawthlang lamah chuan tui luang ri hawk hawk kan hria a. Kan bul mai a ni a, a rawn rikna lam chu thlirin kan unau chuan makti takin kan en reng a,

chutia kan en reng lai chuan thawm lo chhuahna laiah chuan patling malpui tia zêt tur hian thawk leh khatah tui hi a rawn invawrh chhuak so var bulh bulh mai a. A tui a rawn invawrh chhuah tâkah chuan a rawn chhuahna bulah chuan kan kal thuai a, a bul hnai kan han thlang chu a rawn chhuahna bul thlâm hmun tia lai mai chu chirhdûm ang mai hian a lo dûm chu kan han hai a, banrêk pil dawn kan hai hnu chuan lei chu a lo ruh leh em em a; tui rawn îrh chhuak chu khawihin kan han in a, a tui chuan rim danglamna pawh a nei chuang lo va.

"Zing dar 10 vêl a lo nih chuan kan thlâm thlang ruamah chuan patling âwm thlang zêtin tui chu a li ta pûng mai a. Chutianga tui a rawn tlin tâkah chuan kan vaimim keh hmabakte chu a chîm nasa ta mai a. Kan unau chuan kan vaimim keh hmabâk chu chuhin kan tul ta hle a, hun rei lo te chhông chuan kan thlâm chu khâp emaw vêl lekin a chim pha lo chauh a ni ta mai a. Kan vaimim kêh zo si lo, te chu tuiin a chim chhian hlauvin kan chuh ta a.

"Chutianga mak tak maia tui a rawn invawrh chhuah tâkah chuan, khawi atanga lo chhuak nge tih hriat miah lohvin, a tama tam mangkhêng uchang chu thlâm chhuatah chuan an lo awm thup mai a, an hram bengchheng hle tiin a sawi bawh.

Chawlhkâr hnih hnua riak lut tura an kal leh chu, an thlâm chu tui chuan a lo chim pil vek tawh a. A tlin khawmna di lo lang chu an hmuh chhun a ni tawh. Chubakah, an thlâm kawta mîmban kûngte pawh a lo chîm pil vek tawh.

Chutia, an lo mawng ruam chu dil tih tham tak a lo nih tâk hnuah chuan khawthlang lamah a luang liam in, dil lian tak a ni tawh. Chutianga, Pu Zakunga unau lo leh thlam a tih buai vak hnu chuan a tui chîm zâu zawng an han teh chu, feet 6 a sei thing tuai an hmang a, a dung lam feet 420 a ni a, a thûk zawng feet 25 vêl a ni a, July thla laihawl vêla rawn tling tan kha November thlaah a kang a. Chutia, a dil tui a kang leh hnu chuan tuiin a chîm chin hnimte chu a thi vek a, a tlinna lei chu a dûr dum hiam huam a, a hnu rei vak lovah chuan chu lei tha dum huamah chuan anhling a tiak khat vek mai, a ni, an ti.

ADMISSION OPEN (3-1)

Zirlai zirna kawnga chaklo, zirlai tlemte duhtawka zirtirtu ten a an hrualna Northern Academy chuan High school leh Higher Secondary atan Admission a hawng mek e.

2024-2025 HLSC 100% pass.

Northern Academy
8014163196

Editor: Vanengmawia (7085878827); **Jt. Editors:** A. Lalfakzuala, Lalrotluangi Zote, , Henry VL Nghilhlova Zote

Manager: Lalremsanga Hnamte (8974845644); **Asst. Managers:** Zodingliana, Lalrinchhana, Lalrinawma

News Editors: Lalrintluanga, Lalrawntluanga, Andrew Lalmalsawma, Samuel R. Lalmangaiha, D. Lianmanga, Vanalremruatpuia Ralte

Circulation Managers: PB Lalthuapzauva, Samuel Lahlpuia, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

ZIN & HAW

- Pu Biakchungnunga, Branch Secretary thil pawimawh buaipuia Khawbung a zin chu a lo haw leh ta.
- Pu Lalhriatpuia, BECM te chhungkua, Pu Malsawmzuala, Asst. Secy. V-Sec. leh Pu Lalrinmawia te chhungkua, V-Sec. te Lungphun hmanga Khawbung a zin chu an lo haw leh ta.
- Pu Isak Zothianghlama, BECM chu damlo buaipui Odisha-ah a zin.
- Ni. Lalthanzami d/o Biakdawla, N-Sec. chu hnathawhna thil ah duty turin Delhi ah a kal.
- Pu Robert Lalremruata, V-Sec. te chhungkua chu inentir in New Delhi-ah an zin.
- Pi Zochhuanmawii w/o Pu T. Laldintluanga, V-Sec. chu inentir in Kolkata-ah an kal.
- Pu Richard Lalsangzela, C-Sec. chu a hnathawhna hmun Khawzawl atangin a lo haw.
- Pu Vanlalchhanchhuaha s/o R. Lalrotluanga N-Sec. Indian Navy, Dehradun-a awm chu pension in a rawn chhuak a, a nupui leh a fapa te nen an rawn haw.
- Tv. Lalremtluanga s/o Abraham Lalbiakdika (L) C. Sec Orissa-a awm chu chhuṭi in a rawn haw.
- Pu Lalhnehliana, K-Sec. chu chhungkaw thil ah Darlawn ah a zin
- Pu Lallura Zote, V-Sec. Delhi lama in check-up a kal chu an lo haw leh ta.
- Pu Benjamin Lalbiakmuana te chhungkua, C-Sec. chu chawlh hmangin Delhi-ah an zin.
- Pu Jonathan Lalrintluanga, N-Sec. chhungkaw thil a chhim lama zin chu a lo haw leh ta.

KOHRAN

- **Presbyterian Kohhran, Ramhlun North:** Ramhlun North Presbyterian Kohhran chuan Naupang pual Lang camp nimin ni 20.3.2026 (Zirtawpni) nileng khan a buatsaih.
 - **Presbyterian Kohhran, Ramhlun East:** Ramhlun East Presbyterian Kohhran chuan Vocational Bible School (VBS) tun ni 19.3.2026 leh ni 20.3.2026 chhung khan a buatsaih.
- Tin, Bial Masihi Sangati Meet Vawi 22-na chu Ramhlun East Kohhran ah ni 22.3.2026 (Pathianni) hian neih a ni ang.
- **Salvation Army:** Ni 22.3.2026 (Pathianni) Inkhawmah hian Maj. Jerry Lalrozama, Commanding Officer, Ramhlun CO Bial te chhungkua thlahna inkhawm neih a ni ang.
- Maj. Jerry Lalrozama te chhungkua hi Dinthar CO Bial vawng turin an insawn dawn a ni.

LEI PIAH LAMAH

Lalsangzuala, K-73 h/o Lalrimawii, S-Sec. chu 15.3.2026 dar 05:00 PM khan boralin lumen a ni a, a tuk ni 16.3.2026 chhun dar 12:00 ah Ramhlun North Thlanmual, Zemabawk ah vuiliam a ni.



Rosiana, K-94 h/o Rothuami (Fam), C-Sec. chu 18.3.2026 dar 12:30 AM khan a boral a, hemi ni vek chawhnu dar 01:00 ah Ramhlun North Thlanmual, Zemabawk ah vuiliam a ni.



Veronica Lalrinzuali, K-25 d/o David Vanlalruata, V-Sec. chu 19.3.2026 dar 04:30 AM khan a boral a, hemi ni vek chawhnu dar 1:00 ah Ramhlun North Thlanmual, Zemabawk ah vuiliam a ni.



Lusun khawhar chhungte thlamuantu Pathianin vengin awmpui zel che u rawh se.

DAMLO

- K. Lalhruaisanga s/o K. Lalzamlia, S-Sec. Nazareth Hospital-a awm chu dam takin a lo chhuak leh ta e.
- Tv. Lalruatpuia s/o Er C. Ropianga, V-Sec. chu Delhi-ah a khup zai a ni.
- Pi Lalchhanhimi w/o Zakamlova, C-Sec. chu Pneumonia avangin Civil Hospital, Aizawl ah enkawl mek a ni.
- Dr. RC Lalmuana, V-Sec. chu taksa lam chak lohna avangin in lamah enkawl mek a ni.
- Pu K Lalsawmzuala, V-Sec. chu taksa chak lohna avangin in lamah enkawl mek a ni.
- Pu Lalrintluanga Colney, V-Sec. Agape Multispeciality Hospital, Chanmari a awm chu in lama inenkawl chhunzawm turin a lo chhuak.
- Ni. Rody C. Lalrinpui d/o Sairothangi N-Sec. chu a taksa a bawk awm zai niin in lamah enkawl mek a ni.

**GILGALACADEMY
FALKLAND, AIZAWL
ADMISSION OPEN (2-2)**

Kum 2026- 2027 Session atan Class IX - XII (Arts & Science) Admission kan hawng mek e. Class – 9 zir tur tan Free Admission hawn mek a ni e.

Hostel nuam leh changtlung tak kan nei bawk a, Study Tour pawh neih pui thin an ni. Zirtirtu thiam leh experience nei tha tak takte zirtirna hnuai ah hian I fate rawn admit ve rawh le.

Contact: 9064481643/ 8119832954
Instagram: gilgalacademy

KEIMAHNI

Ni 31.3.2026 (Thawhlehi) nileng hian Nextcomm Resort, Industrial Growth Area, Luangmual ah Intuaitharna neih tum a ni a, Maryma enkawltu zawng zawng te, he hun hi ngai pawimawh a hun remchang lo insiam a kal theuh turin kan inngen a ni.

THILDANG

Tv. Vanlalruata Sailo s/o Laldingliana leh Tv. R. Lalremruata s/o R. Lalmuanpuia (Fam) te chu Mizoram Home Guards & Civil Defence Department hnuai Civil Defence Capacity Building training tura thlan an ni a, Central Training Institute, Sesawng ah March 16 (Thawhtanni), 2026 atanga March 21 (Inrinni) 2026 chhung training an nei ang.

LAWMAWM

- Pu Lalhriatpuia, BECM, chu Mizoram Carrom Association ah General Secretary atan thlan a ni.
- Dr. Lalhmuchhuaka, K-Sec. chu Mizoram Chess Association (MCA), Sr. Vice President (2026-2029) atan thlan a ni.
- Pu Lalnunluanga leh R. Lalruatfeli te nupa, V-Sec. te chuan Aizawl Hospital-ah fanu duhawm tak an nei thar.
- Dr. Lalrinsangi d/o Lalnithangi, T-Sec. leh Simon Rosangliana te chu Ramhlun Vengthlang Presbyterian Kohhran Biak In ah ni 19.03.2026 khan an innei.
- J. Lalramhlimpuia s/o J. Lalthangluaia (Fam) leh Lalthanzauvi d/o R. Lalfakzuala (Fam) Mualpui, Salem Veng te chu Dt. 19:03:2026 khan BCM Biakin, Ramhlun North ah an innei.
- Dr. Lalramengmawii d/o Dr. Lalthanliana, T-Sec. leh Dr. Lalrintluanga te chu ni 20.03.2026 khan Khatla North Presbyterian Kohhran Biak In ah an innei.

PAWL DANG

RSC Basketball: Inter Veng Under-18 tournament khelh mek ah kan veng Under-18 team te chu ni 18.3.2026 (Nilaini) zan khan Khatla South te nen in tum in a vanduai zawkah an tang ta hlauh a ni.

PINECREST ACADEMY (CBSE)

Under Podar Curriculum Consultancy

ADMISSION OPEN 2026
Confident Readers Begin Here at Pinecrest Academy!

"Strong Readers Begin at Age 4"

CAPTION :
At Pinecrest Academy, we build strong foundations from day one.

- Structured Early Language Learning – Phonics & reading introduced from age 4
- English & Hindi Foundations – Children gain confidence in both languages
- Activity-Based Learning – No heavy textbooks, just fun, effective engagement
- Safe & Consistent Environment – A sanctuary where children thrive
- Individual Attention – Every child's growth is measurable and celebrated

Prospectus and Admission Forms Available at the School Office





Safe & Reliable Pick and Drop Facility Available

Parents who value long-term learning and strong foundations trust us to guide their children.

Limited LKG Seats – Admit your child Today! (4-3)
☎ : 9862498006 / 7005179903 / 96122 28475



HMANLAI AN CHANG ZO TA

- Vanengliana

Kum 1975 a ni a, a kum leh 1976 atangin Ramhlunah High School tha bik tak i din ang u an ti a, chutiang chuan Hrangchhuana H/S din a ni ta a. Tlangval lehkha thiam thei tak, MA zo hlim H. Vanlalauva chu Headmaster hmasa berah hman a ni a. School Board Chairman Pu Kaibuaia leh member dang ka la hriat theih – Pu H. Thanglawra, Pu D. Hnunliana, Pu K. Thangphunga, Hony. Capt. Lallawma leh kan Headmaster te pawh chuan khawvel an chhuahsan vek tawh a, kei hi a dam chhun ka ni mai thei, a va lunglenthlak ve aw!

A hnu lawkah Endala Middle School din lehin Board Chairman Pu VL Thianga leh member dang ka hriat theih chin – Pu Siamtlaia, Pu Damdawnga, Pu Lalrina Sailo, Pu C. Lalruata leh Pu Chuathuama te chuan chatuan ram min pansan tawh hlawm. A din tirhin member ka ni lo a, a hnu lawkah min la lut ve thung. Hun eng emawti chhung kha chuan heng School pahnihte hi Mizoram School tha zinga sawi hlawh ve tak an ni.

Kan veng chhungah Sawrkar hnathawk kan awm nual a, officer tlem azawng tih loh chu kein kan kal suau suau a. Industry pengah kan chho a, Chaltlang Dawrkawn atangin kawngpui kan suar tluan a. Bus leh taxi la awm hek lo, ke erawh kan hmang tangkai hle a ni. Kum 1981-ah two wheeler ka lei ve ta a. Chumi hma chuan Pu K. Lalchhuana te, Pu Rolura Sailo te chuan an tlanpui an tlanpui tawh. Chutih lai chuan Ramhlun South kawng hi kalna tlak a la ni meuh lo.

Thalva êkcharah tui a kang a. Taitea Tuikhur hi kan tlan ber zinga mi a ni a. Tlai dar 4 vela kan nghah hian a tuk leh zing dar 4 velah kan thal hman vel chiah a. Mi pakhatin tin 2 bak ken phal a ni lo a, tin kalsan phal a ni lo baw. Chanmari Veng phe chu keini aiin tui an harsa a, office-a ka thawhpui pa pawhin ni khat chu a hmai phih nan rawmawl sir têt hi tuiah a tihuh a, chu chuan a hmai a phih!

Kan vengah electric a awm ve tan dawn ta a, Department hotute an lo kal a, Industry peng Pu K. Ngura kawtah box an siam chawpah an hmet êng dawn a, khawtlang hotute an ding tlar a, a hmasa ber atan an hmet êng ve ta a, chu chu kan vengin electric êng kan neih ve tanna a ni.

Telephone nei hmasa ka hriatte chu – Pu K. Thanzauva, Pu VL Thianga, Pu V. Lalnunzira (Ex-MLA), Pu Lalfamkima te an ni a. Miin min biak duh chuan phone hnai berah min be thin a, phone neitute an tlan zak zak thin. Phone kan nei ve ta a, Pu R. Dama te, Pu K. Ralchhuana te be duh tan ka tlan kual ve nasa ta mai. Kan veng mi, Bangalore-a lehkha zir, a chhungte Trunk Call-a be duhte pawh zan dar 11 hnuah a call man a tlawm avangin a chhungte kan phone atangin an be thin a. Muttui lai, zan dar 11 velah phone a ri a, ka chhungte ka be duh an ti a, an chhungte hrilh turin kan tlan tang tang a, minute 7 velah ka thleng a, kan tlan lêt leh tang tang a, an inbe ta thin a. Zan khat chu Lungleia mitthi hrilh turin Pu P. Malsawma in bulah dar 12 velah ka han kal nghe nghe. Telephone nei hmasa nih kha a lo va buaithlak ve aw!

Ka thianpa IRS te nupa chaw eiah ka sawm a, zingah Bazar puiah sa lei tur ka zawng a, a awm lo reng reng. A awm chhun ar tukri khat chu a neitupain, ‘A hralh theih loh, chaw ka la pe lo,’ a ti tlat a. Chaw chu pe mai la, ka ti a, buhfai ka chiah a la puam lo, a ti baw sia, kutbengin ka haw a, vawksa rep kan neihsa Kg. chanve vel chu kan siam ta ringawt a, a sawmtu lam kut a va zum duh tak êm!

Duhtawh rih phawt ila. Hun kal tate kha a va ngaihawm tehlul êm! Hmanlai an chang zo ta!



KC TUI

Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chhung tan discount kan pe e.

Ph: 7005010327 / 9774223462 (10-10)

ADMISSION NOTICE (2-2)

Gov't DIET Practising School ah kum 2026-2027 session atan admission Nursery - Class VIII a tih theih reng e. Admission free, Mid-day meal, Zirlaibu leh School uniform a thlawn a pek thin an ni. Zirlaite sightseeing, kut themthiamna zirtir thin a ni a, picnic neihpui thin a ni baw.

School kawtzawl zau tak naupangte infiamna hmuntur a nei baw. Trained Teacher tha tak tak ten zirtirna an pekna hmunah hian i fate han luhtir ve rawh le. ‘Heng a hnuai a mite hnenah hian admission a tih theih reng e.

Ramhlun North : Zonunmawii - 7085846970
Lalhmingthangi-9436360246, Lalrammawia - 9862753609
Chaltlang: Lalsangpuii-7005705846,
Laltlinsangi - 9862404538, Zorammuani -9862322260

PUBLIC HIGHER SECONDARY SCHOOL (3-2)
RAMHLUN VENGLAL, AIZAWL, MIZORAM

2026
ENROLL NOW

ADMISSION OPEN
FROM 10 AM - 1 PM
FOR CLASS XI & XII (ARTS)

SUBJECT OFFER:

- ENGLISH
- MIZO
- EDUCATION
- HISTORY
- POLITICAL SCIENCE
- ECONOMICS
- GEOGRAPHY

ONLY ADMISSION FEES
NO MONTHLY FEES

For more inquiry call
9436782551
9862598857



STAINES' MEMORIAL SCHOOL
Chanmari, Aizawl (2-2)



ADMISSION OPEN

From Class - IX to Class - XII
(Arts, Science & Commerce)

Application forms will be available
@School Office

For more information, contact :
0389-2342261, 7005461509, 7005631048